



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cura Salvtis, Sivæ De Statu Vitæ Mature ac Prudenter
Deliberandi Methodus**

Hevenesi, Gábor

Coloniae, 1716

VD18 13912755

Executio vocationis an differenda?

[urn:nbn:de:hbz:466:1-50144](https://nbn-resolving.de/urn:nbn:de:hbz:466:1-50144)

intendentes &c. Crucifixi effigies, resolutis de Cruce brachiis obturavit aures, & tremendam hanc vocem emisit: quia vocavi te, & renuisti, ego quoque in interitu tuo ridebo, & sub his verbis infelicem animam infelix juvenis cum vita amisit. Quis dubitet, quin Juvenis hic vitam meliori fine terminasset, si DEI vocationem secutus, se Religioso statui mancipasset. Heu! quam periculoso calle gradiuntur illi, qui seriem diuinæ Providentiæ ad suæ voluntatis arbitrium detorquere nituntur!

Executio vocationis an differenda?

1. **Q**ui sponte sua differunt vocationis executionem, plerumque perdunt: nec raro fiunt deterrimi. Hæc DEI poena est. Juvenis Evangelicus qui ob Patris sepulturam Christum sequi distulit, vocationem perdidit, & ut SS. PP. dicunt, perit. Si aliquando, cur non modò; si non modò, forte nunquam!

2. Certò sibi persuadeat, quidquid temporis in vocationis executione sponte sua quis interponit, tam diu maximis omnino damnis se esse expostum:

tum : differre enim est , non velle :
ideò Chrysostomus : torporis initium
est hæc dilatio , est ultimum dæmonis
diverticulum , ut procrastinatione sen-
sim fervor intepescat , sicque diabolus
facilius eum plenè ab hac mente re-
tineat.

3. Quis vult Conciliis , & omnibus
Doctoribus esse sapientior ? qui omnes
docent posse quemvis decimo quinto
ætatis anno elapso , etiam invitis Paren-
tibus , Religionem ingredi . Certè Scrip-
tura teste : *Bonum est viro , cum portave-
rit jugum ab adolescentia sua . Thr. 5.*

4. Nec dicas : Juvenes non cogno-
scunt suas vires , nec intelligunt , quid
ipsis conducibilius sit , nec scire possunt ,
an vocatio sit à DEO &c Qui enim
hodie nescit , quomodo post annum re-
sciet , ubi erit pejor , & gratia DEI in-
dignior ? Non est , crede mihi , sapientis di-
cere : vivam ; sera nimis vita est crastina ,
vive hodie .

5. Ætas quò minor , ed aptior est in-
structioni ; sicuti etiam in omnibus ar-
tibus citò juventus applicatur , ut eas
tantò perfectius assequatur : parvæ ar-
busculæ debent in hortum transferri , ut

5 fru-

fructum ferant, in grandioribus periculis est, ne translatæ exarescant.

6. Si juvenes diutiū manent in sæculo, cum ceræ mollis instar omnem figuram, recipiant; facile malis consuetudinibus assuefiunt. Ætas illa ab Anno 15. ætatis, usque ad 18. & ab hoc usque ad 25. summis exposita est periculis. Denique navis quamdiu extra portum est, in naufragii periculo est.

7. S. Anselmus ait: qui Juvenis ingrediuntur, sunt similes Angelis nunquam lapsis, qui nesciunt, quid sit corruptela, ita Religioni assuefiunt, ut vix ullam difficultatem experiantur. Spiritualia facile imbibunt, quia phantasia necdum turpibus est infecta speciebus, & quia ignoti nulla cupido, tales certi sunt de innocentia tumulo inferendâ.

8. Ita à Christo vocatorum exempla docent. *Levi* sedens ad telonium, *surgens* relictis omnibus secutus est eum. *Luc.* 5. Petrus & Andreas continuò relictis retibus. Jacobus & Joannes statim relictis retibus & Patre. *Matth.* 4. Cœcus, projecto vestimento suo, exiliens venit ad eum vocantem. *Marc.* 6.

9. Nec ætas te excusat, si decimum quintum ætatis annum explevisti. S. Fran-

Franciscus à Paula 13. S. Thomas 14.
S. Benedictus 12. annorum Religionem
ingressi sunt. Ille, quem *Matth.* 19. Chri-
stus vocavit, Adolescentulus erat. Fe-
licissimus, qui in prima innocentia Re-
ligionem ingreditur ! talis offert DEO
sacrificium absque macula.

10. Gratius DEO donum est , si id
quod offertur , sit purum adhuc & in-
nocens , ideo dicit : *Sicut parvulos ve-
nire ad me.* Marc. 10. Crederesne eum
esse humanum, qui te donare vellet flo-
re marcido, fructu putrido, carne ran-
cidâ ? nec tu te DEO offerre debes , in-
tegritate jam deflorata , mente infectâ.
Fructus præcoces gratiores : qui citò
dat, bis dat.

11. Nescit tarda molimina Spiritus
Sancti gratia. S. Ambr.

An Parentibus à vocatione revo-
cantibus obediendum ?

1. **P**ostquam dæmon desperat tenta-
tionibus candidatum vincere, Pa-
rentes, Cognatos, &c. pro instrumento
adhibet , ut his voluntatem invertat.
Certum proinde habe, quidquid delibe-
rationem ritè factam impedit, id omne
à dæmone instigari.

2. Na-